

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Sl. Novine Federacije BiH“, broj:49/06), člana 8. Zakona o matičnim knjigama ("Službene novine Federacije BiH", broj:37/12), tačke 11. Uputstva o načinu vođenja matičnih knjiga ("Službene novine Federacije BiH", broj:63/12) i člana 55. Statuta općine Ilijaš prečišćeni tekst („Sl. Novine Kantona Sarajevo“, broj: 20/09) Općinsko vijeće Ilijaš na sjednici održanoj dana _____2015. godine donijelo je

PRIJEDLOG

O D L U K U **O JEDINSTVENOM MATIČNOM PODRUČJU**

Član 1.

Ovom Odlukom određuju se matična područja za koja se vode matične knjige rođenih, umrlih i državljana za naseljena mjesta na teritoriji općine Ilijaš.

Član 2.

Na općini Ilijaš matične knjige rođenih i umrlih vodit će se za sljedeća matična područja:

1. Matično područje Ilijaš sa sjedištem u Ilijašu koje obuhvata sljedeća naseljena mjesta: Balbegovići, Banjer, Čifluk, Donja Bioča, Gornja Bioča, Donja Karaula, Gornja Karaula, Donja Luka, Goornja Luka, Donja Misoča, Gornja Misoča, Ilijaš Stari, Kadarići, Korita, Karašnica, Lješevo, Ljubnići, Mlini, Malešići, Mrakovo, Novo Naselje, Odžak, Podlugovi, Popovići, Ribarići, Salkanov Han, Solakovići, Sovrle, Taračin Do, Višnjica, Vlaškovo, Žerovanj i Ilijaš.
2. Matično područje Srednje sa sjedištem u Srednjem koje obuhvata sljedeća naseljena mjesta: Bokšići, Borak, Buljetovina, Čemerno, Čemernica, Četojevići, Donji Čevljanovići, Gornji Čevljanovići, Donji Ivančići, Gornji Ivančići, Draževići, Duboki Potok, Duševine, Dragoradi, Donje Selo, Gojanovići, Gajevi, Gajine, Homar, Han Karaula, Hodžići, Hadžići, Karaula, Karačići, Košare, Kožlje, Klek, Kopošići, Kamenica, Krčevine, Krivajeвиći, Kongorje, Lađevići, Ljubina, Luka, Lipnik, Medojevići, Moševići, Nišići, Ozren, Podlipnik, Srednje, Stomorine, Stubline, Stanovi, Stupe, Sabanci, Sirovine, Sudići, Šići, Šljeme, Tisovik, Velike Njive, Velike Šume, Vidotina, Vilič, Visojevica, Vukasovići, Vladajevići, Vrutci, Vuknići i Zlotege.

Član 3.

Matična knjiga državljan vodi se kao jedinstvena knjiga za cijelo područje općine Ilijaš u Ilijašu. Matična knjiga vjenčanih Općine Ilijaš vodi se kao jedinstvena knjiga za cijelo područje općine Ilijaš u Ilijašu.

Član 4.

Stupanjem na snagu ove Odluke prestaje da važi Odluka o određivanju matičnih područja na teritoriji općine Ilijaš broj:01-I-02-1208-5/13 od 27.06.2013. godine ("Službene novine Kantona Sarajevo", broj.27/13).

Član 5.

Ova Odluka stupa na snagu osam dana od dana objave u "Službenim novinama Kantona Sarajevo".

Broj:----- /15
Ilijaš, __ januar 2015. god.

**Predsjedavajući
Općinskog vijeća**

Damir Filipović, s. r.

O B R A Z L O Ž E N J E

I Zakonski osnov

Zakonski osnov za donošenje ove odluke je Zakon o matičnim knjigama ("Službene novine Federacije BiH"; broj: 37/12) član 8. Kojim je propisano da se matične knjige vode za naseljena mjesta kao i da se matična područja i njihova sjedišta određuju Odlukom Općinskog vijeće.

II Razlozi donošenja

Prema postojećoj Odluci matične knjige vode za dva (2) matična područja Ilijaš i Srednje. Matična knjiga knjiga državljana i matična knjiga vjenčanih vode se kao jedinstvene knjige za cijelo područje općine Ilijaš. U predloženoj odluci u odnosu na važeću predlažemo izmjenu u članu 2. odluke a odnosi se na brisanje naziva D. i G. skraćena za donja i gornja zbog direktne primjene odluke ulaskom u registar CME (Centralna matična evidencija) matičnih ureda i policijskih uprava kod izdavanja izvoda iz matičnih knjiga i ličnih dokumenata (pasoša, ličnih karata, vozačkih i saobraćajnih dozvola). Baza Centralne matične evidencije (CME) ne poznaje skraćene za nazive naseljenih mjesta i kao takva se ne može koristiti u svakodnevnom radu (provjeri).